

化育以宣精輔生成而布德攝萬靈於三界
張列宿於諸天大闡真功普濟羣品懸官某
四居重陰獲處人倫念茲一介之微亦被三
辰之照但以色身所累妄想難除沉迷利害
之場汨沒愛憎之境惟其稔內熱之禍當必
致自焚之災慮回極之不虞乃先事而控告
消茲殺豆設此殊科心意精微香花芬馥諷
瓊編之隱韻誦玉笈之空歌不辭永日之勤
冀達高真之聽伏願眾真來格多福漸臻獨
疫癘於未形神無出葉却禍殃於方至火不
為災得至開之威安保室家而胥慶眾罪永
滅萬災不干使門戶之昌隆得生身之受度
世世昌熾乃子乃孫劫劫長存巨今巨古真
根不昧妄想悉除上願

皇帝義暉齊華農黃繼躅峻龍峰而等福靡
鵬海以增年妃后諸王輔寧大寶文階武列
翼亮洪基後莫二象昭融三光貞正薰風入
律和氣調時農功有積於京坻民俗咸登於
仁壽三徒九夜動植飛沉同均浩蕩之恩俱
契正真之果上明

天專大慈之澤下副臣等懇切之誠謹啓以
聞

十二願
復爐

香官使者左右龍虎君侍香諸靈官當令
向來臨午行道之所自然生金液丹碧芝英
百靈眾真交會在此香火爐前當願十方仙
童玉女接侍蘭烟傳向來所啓速達徑御
至真無極大道
昊天玉皇上帝御前

出堂頌
出戶

道門科範大全集卷之三十三

道門科範大全集卷之三十四

三洞經錄弟子仲勵編

誓火穰災儀

晚朝行道

法事陞壇如式

各禮師存念如法

宣衛靈呪

五星高耀 瑞氣飛浮 元始集神 天地交周
玉符寶節 嘯命微幽 擲火揚威 奸凶無留
萬魔振伏 紛葩却消 摧怪滅惡 道炁周流
神光照夜 陰翳俱收 萬神降格 扇景兼馳
羣生咸遂 惠遍神州 和與道合真

鳴法鼓二十四通

無上三天玄元始三炁太上道君太上老君
召出巨身中三五功曹左右官使者左右捧
香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓闕啓玄壇土地方域神真巨今
靜夜行道謹奏為入志其諸忱悃已錄告聞
願得

太上十方至真道炁靈寶瑞光下降流入
身中令且所啓速達徑御

至真無極大道

昊天玉皇上帝御前

請稱法位

具位且某與臨壇官眾謹同誠上啓

虛无自然元始天尊太上道君太上老君太
上昊天玉皇上帝紫微天皇大帝紫微北極
大帝聖祖天尊大帝后土皇地祇元天大聖
后十方無極大道諸天天帝三十六部尊經
玄中大法師圓穹上象火星執法真君所變
所化列宿星君厚地洞天嶽瀆主宰南方離
位丙丁巳午火部官屬三界應感一切真靈
且聞陽靈表瑞火德承天分日域以繼明御
離方而定位爰司夏曆以正歲功由是出入
絳霄循環黃道應期不紊謫見無私雖懸象
著明係乎邦國而垂災介福亦及生靈且等
叨荷靈休蹈茲昌運未能洗心鍊質遁跡崑
嶠混濁塵蒙因循俗境而濟人助國救物為
先凡有投誠理宜昇達况奉詞悃敢不上聞

爰有心詞謹當宣奏

宣詞

按如詞言丹誠激切叩之斯在格以不違伏
聞眇邈高穹幽微上境熒煌火德寔應鵲星
數推地二之神宿而彌壯位據離明之正尊

而不親生土剋金出寅入戌考炎涼而知伏
見眇禮象而辨妖祥在職有功猶配食心之
享乞靈救疾尚悼祭燿之儀矧此凡微每叨
真應常軫淵冰之慮恭投豺獮之誠肅按秘
文俯陳明薦以今靜夜行道請法眾等運茲
初捨上香

願此香雲騰空上徹供養

太上三尊且等皈身皈神皈命首體投地仰
惟大聖火星執法真君伏願暫捨瓊宮遙臨
法會朱幡赤旆紫霧紅霞靈爽相參釋神所
侍輝輝天際扇育物之晴風赫赫空中垂照
臨之景貺有禳必去無豐不來金爐蘭膏照
九幽之陰慝檀烟瑤水驅不善之時殃惟冀
大火安流畢方竄匿偕五行之有慶覩三伏
以無虞舉至止之百祥歸鶴然之多士杳杳

洪造區區此心今故燒香自歸依

道尊大聖眾至真之德得道之後保天長存

和與道合真

以今靜夜行道請法眾等運茲二捨上香

願此香雲騰空上徹供養

太上三尊且等皈身皈神皈命首體投地以
是捨香功德仰惟大聖火星執法真君虛中
作難包神水滄舍之德日晶為性抱畢月生
化之宜以苦滋甘居常屬禮虔誠有感照燭
無私惟冀社稷尊靈宗祀先聖怡神絳闕證
品朱宮流蔭帝圖永昌大業茂隆億載慶集
千祥今故燒香自歸依

經尊大聖眾至真之德得道之後昇入無形

和與道合真

以今靜夜行道請法眾等運茲三捨上香

願此香雲騰空上徹供養

太上三尊且等皈身皈神皈命首體投地以
是捨香功德仰惟大聖火星執法真君願戴
炬燿威光不致侵門害魚之咎乞止赫烈形
勢永無焚糜傷人之憂凶悉未萌吉皆來兆

聞祈不忒見請皆從仍冀某家丹籙祛災清
都介福家門叶泰善念惟新旁周品彙之中
俱契真常之妙今故燒香自歸依
師尊大聖眾至真之德得道之後永保平康
和與道合真

三啓 三禮

重稱法位

具位 臣某與臨壇官眾謹同誠上啓

太上三清上聖昊天玉皇上帝九皇至尊十
方上聖三十六部尊經玄中大法師火德上
真三界應感一切真靈臣聞濕處人倫繆居
聖世幸承靈寶陰育得親藻笈真科間有福
善禍淫在操心之所致恐其信邪倒見莫反
念以歸依惟無上之元尊假有為之妙法昭
垂經典永覺昏蒙稷於未兆之間安有追前
之悔今醮官某投誠大道懇懇諸天每惟自
不覺知漸小愆而致甚常憂變更運數或積
業以難逃夙夜靡違行藏存念七珍五穀慮
有積而不散之非六畜二豨恐昭物極惡盈
之罪今陳菲薄醮禮禱謝榮感星君恭按闕

伯之規模願遂景公之仁感憫茲惕若錫以
安然里域無卒暴之驚居止有清閑之慰四
時寧謐八節欣怡絕燈燭非次之光息燼靈
殊常之焰普及各門康泰一境澄清樂業安
居懷仁率善上願二儀昭泰三景輝華九穀
滋豐五兵韜戩龍神警衛疫毒無侵謀生遂
安逸之歡在野有謳歌之樂飛沉遂性動植
舒榮九夜開光三途罷對見大道無方之應
契聖明有感之祈普及幽遐俱升福岸上明
天尊大慈之澤下副臣等皈命之誠謹啓以
聞

十二願

復爐

香官使者左右龍虎君侍香諸靈官當令臣
向來靜夜行道之所自然生金液丹碧芝英
百靈眾真交會在此香火爐前當願十方仙
童玉女接待蘭烟傳臣向來所啓速達徑御
至真無極大道
昊天玉皇上帝 御前

出堂頌

啓五

十六

出戶

道門科範大全集卷之三十四